

近
著樊山詩詞文稿

上海廣益書局
發行

中華民國十四年十月付印
中華民國十五年五月出版

版權所有 不准翻印

代售處

廣東永漢北路
北京楊梅竹斜街
漢口半邊街
江西沙萬福學前
長沙萬福街
開封書店街

廣益書局

著者 南郡樊樊山

校勘者 廣益書局編輯部

發行者 廣益書局

印刷者 廣益書局

總發行所 上海棋盤街 廣益書局

定價大洋二元

近著樊山詩詞文稿

上海棋盤街中市

廣益書局出版

樊山言艷詩鈔

此鈔共分十卷，有字皆香，無語不艷，麗而有則，樂而不淫，較之韓致堯之香奩集，王次回之疑雨集，任莘田之香草箋，實有雅俗之分，清濁之別也。

▲全書四冊一布函

▲定價大洋一元二角

詩法入門

是書爲閩潭游子先生手輯，凡四卷，內容詳說詩法詩式，以及鍊句鍊局命字命意之各種方法，極爲詳盡，學者得此一書，以講求之，庶可於風雅之道，心領而神會也。

全書四冊

價洋四角

08270

樊山詩詞文稿卷十一

南郡樊增祥嘉父近著

詞下

浪淘沙

題曲中人二十年前照象

洛女莫千妖瘦損細桃芙蓉漸老怕霜凋猶有驚鴻前照影如許苗條
暮暮
復朝朝愁黛誰描秋娘倩影在生綃月下思量燈下看也穀魂銷

江城梅花引

寄題天橋水心亭

雲窗霧閣碧玲瓏水溶溶綠荷風四面晴漪一道彩橋通七里山塘移向北糖
果市綺羅人在鏡中鏡中鏡中洛川鴻桃頰紅鬢雲鬆去也去也去不遠小

鳳鞋弓千盞蓮燈齊上水晶籠芳茗一杯歌一曲星小小月纖纖並在東

醉太平

雙花露紅雙瓶霽紅木蘭舟樣房櫳稱仄江湖長翁
西廂化工琵琶畫工喚醒綺夢朦朧聽疎林曉鐘

卜算子慢

三伏向盡晴雨不恆用耆卿體遣閒

圓荷過雨高柳霽煙潤逼生衣熟麝院院涼蟬咽盡小園殘夏漢宮秋百轉流
鶯啞西風又緊衰紅冷翠相亞
杖履何瀟灑笑放慢星娥鵲橋襄駕一半年
光壁月七回圓乍月和星恩怨誰知者但覺得今年乞巧更良宵無價

無價見
柳詞

由來七
夕古今

醉花間

效毛文錫二闋

卿相惜儂相惜相惜長相憶蝴蝶入簾來爲報花消息
甜如崖上蜜苦是蓮

中葯芳蓮得並頭雖苦亦作平云值

初相遇羞相遇相遇長相聚鰈對與鶼雙未有分離處
獺髓縱分杯蟾脂終

合玉白上彩鴛頭兩箇成翁嫗古樂府願得兩箇成翁嫗

閒中好

效段成式鄭符各一闋

閒中好閒坐剔蓮心剔盡心頭苦方知憐汝深

閒中好人意如花嬾鸚鵡喚梳頭水精簾不捲

浣溪紗

效南唐後主

海子清波紋簾綠西風菡萏銷紅玉寫得江南秋意足
莫愁艇子來相續試
唱采菱歌一曲但唱鴛鴦無獨宿

清商怨

效晏幾道

西窗風送暗雨要翠衾添絮莫翦燈煤金釭雙結蕊

讀如乳

齊紈休付怨女會

更有人間秋暑縱燕薰爐安能忘却汝

點絳脣

代意

淡掃青顰鏡菱不展春山皺淚如紅豆總爲相思瘦
湖上相逢繫馬樓前柳
重攜手金杯酌酒先爲荷花壽

霜天曉角

賦十刹海曉景用竹山平韻體

拂曉開窗露荷風送香消受湖天清氣菱角市柳絲鄉
葭蒼秋漸涼畫樓催曉妝若憶江南煙景惟此地似蘇杭

瑣窗寒

秋思

燕語雕簷蟬嘶暗葉晚涼如水金桐玉砌葉落不傷梧子瑣窗寒零雨送秋露
荷墜粉西花裏只鳳仙絳萼宮砂般豔染伊纖指多麗還多媚看百草齊花
萬千紅紫風梳露洗簪戴都如人意更香衾鴛夢熟時翠禽不復朝喚起算暄
涼晝夜停勻只有秋期美

丁香結

和人閒寫用夢窗韻

南陌新秋繡鞍朱轂爭傍酒壚謀醉更粉嬌脂膩秉絳蠅引過梧桐雕砌十年
悲喜夢剛落在銀釭影裏猩屏秋色此夕怎不濃如春意 何似似海燕呢喃
玳瑁梁間無睡小影如仙題名袖角現身屏背拚把衫扇棄擲覓過雙栖地連
環三十六書出紅箋喜字

六么令

雨中書悶

杏箋珠字輕負膽娘約綿綿雨絲如淚盡日飄珠箔銅陌青泥滑馬車輞都生
角繫裙金絡焙笙香炭北里知誰弄絃索 薄暮瀟瀟不斷又似楓橋泊京邑
不少吳孃愁怨生眉萼白傅琵琶一引 琵琶行 本作引道得奴心著城南蓮閣今宵歌
管祇恐西風茜衫薄

四犯翦梅花

今年後門外荷花不如去年之盛然猶勝於十刹海淨業湖也羸驂再

過用龍洲調賦之

神虎門邊帶宮城半是酒旗茶鼓玉水金風扇綠香如霧青龍曳尾是彤輦來
時御路翠蓋搖涼紅衣墮粉幾多煙露 壺天曉華林過雨看雲籠五鳳雪翻
雙鷺墜素流丹過濯龍池去年年追暑傍槐陌玉驂來駐北刹桑紅西涯土黑
寥芳何處

被花惱

新涼

一番竹雨一番涼悄悄碧梧庭院猶有雕梁未歸燕薛帷翠溼蓮房粉墜露下
秋花泣紅燭夜碧雲天幾時飛過妝樓雁 新雁到何遲不寄書來暖人眼風
香釧麝露溼鞋鴛總較春寒淺正羅雲軟稱謝娘衣又璧月修圓婕妤扇待早

睡已是銅龍更五點

玉簫涼

綺情

宮樹青蒼又二七素秋葉墜銀牀年年牛女事待喜鵲商量汀洲荷粉自落尙
未到玉露爲霜時節好任麝鑪偎煖牙簫欹涼紅房雲圍蝶欄花簇燕釵重
試漢苑新妝綠窗思夢笑似夢見韋郎縫裳纖手恁巧剪錦段莫破鴛鴦勤拜
月下玉階獨自燒香

月邊嬌

夜劇漫賦

天碧秋清過玉簫橋頭金風亭畔鬧娥燈市交蝠月闕多少上林鶯燕珠喉百
轉寶扇底嬌波流盼花飛蝶舞助一夜晴天濃暖後來一萼紅梅萬花低首

有誰爭豔五銖衣
薄百環髻巧仙態
月嬌雲軟吳淞北
返詫玉貌今宵重
九天孫也笑笑鵲
邊非遠

滿庭芳

京邸見鄉人問

南客何來上京相
見峽州兵火銷無
自摩霜鬢長與故
人疏見說紅梨小
劫歐公去洗墨池
枯君休話秦軍白
起步闌擾東吳吾
盧東郭裏善和坊
巷莫問琴書嘆綠
蘿春漲前夢模糊
三十三年不到東
溪路紅藕何如待
歸種緋桃百本楊
柳一千株

珍珠簾

釋戡擬七月既望游二閘以詞奉柬並示蘭芳

數株風柳青蟬唱
蹴銅街得得驕驄
蹄響嘉客訪煙蘿
認龐公門巷第二
橋邊

銀闌水約共打鴨頭雙槳蘭舫在菱角灣頭藕花汀上 壬戌七月新秋仿眉山故事縱懷孤往赤壁是吾鄉隔煙塵東望身入大通秋泛畫且莫爲簫聲惆悵心賞有一穗幽蘭美人同樣

拜星月慢

壬戌七夕

鈿盒紅蛛銀橋烏鵲盼到元孫秋駕不似嬾娥怨青天遙夜小兒女笑指穿針樓外新月慢度牽牛花架小扇生衣認長眉初畫 笑今宵從古稱無價皇城裏放了金吾假歲歲菊部新聲演銀河佳話徧歌樓繡轂游龍馬蓮更轉猶在燈簾下怕天上雨洗香車惹流鶯偷罵

綺寮怨

雨夜有寄和美成韻

暗雨池花紅泣露房秋蝶醒望檻北細柳微波涼煙鎖倩影亭亭依稀蕭娘背
立西風峭玉骨羅帔青待近前樹亦如人婆婆意斷續鉛淚盈莫問碧天雁
程明璫錦字憑誰寄與飛瓊斷句淒清待相見念教聽連昌故宮今夜怕引動
泣珠情新秋鳳城芙蓉葉正好霜未零

憶瑤姬

效邦卿

離落秋花帶曉露牽牛小朶柔藍唐宮浣洗時看碧如天水輕染裾衫銀河已
過秋期雙蝶何因入錦簾料洛妃芝館留人不教愁上翠眉尖垂門細柳毵
毵綬帶猩紅定須嬌鳳雙銜割盟親切意把守宮硃點玉臂深鈴崔徽判不如
人便擬長齋繡佛龕又雁汀拾翠歸來恨不盈一簷

永遇樂

初寒效君衡平韻體

底處新寒繚綾書幌琉璃屏風玉水芙蓉冰盆茉莉人在香霧中昨宵蕉雨今
宵蘿月早秋勝似春融清朝起憑高挹爽隔城翠煞西峯 當階草色秋紗一

扇小花露浥新紅故相深衣端公矮榼都愛蕭寺松

曩與香帥悉師屢過慈仁寺看松

而今欲

去登山臨水老懷更比雲慵休輕出防人認作了翁遜翁

雙調望江南

心上事驀地上眉心色子嵌來紅豆小爪痕掐入綠棖深愁喜兩難禁 金色
酒拋擲買春金月下急呼鸚鵡盡雨中慢了鳳凰琴淺醉復閒吟

玉山枕

秋懷

謝墅秋半墮梧葉風如翦軟裘試酒低篷載月悵望江南水遠人遠暮天離思

滿汀洲帶紅蓼幾行新雁待題書寄與江皋採珠人奈煙塵淒黯 十年人海
騎驢慣障方麴防人看小車晚出高樓夜飲三雅杯深半臂寒淺也應臨老減
風情判孤負乳鶯嬌燕把新詩題上鮫綃贈蕭娘勝秋風團扇

大聖樂

煥老招游南園余方病齒以詞謝之

箏館鶯珠舞臺燕玉鳳城秋霽看諸老巾拂風流競賞月中青桂日下紅葵國
香田家花一翦倩霜髻涪翁來賦詩芳期悞甚秋齋病齒非爲離支 章臺柳
色正好且休唱杜娘金縷衣記少年輕俠一彈火鳳驚起冰蠟老矣廉頗悠然
逸少燈味濃於鱗鱖時看花去算除桃與柳却訪紅梅

八歸

感秋用高竹屋平韻體

北林淺絳西峯濃翠叢桂豔發天香一年月色中秋好偏教楚雨吳煙暗攪離腸海碧天青冰樣冷蕊珠殿愁損寒簧况下界風髣雲裳怎禁得青霜閒房鑪溫紅麝屏圍白貌嫩寒不到東廂菱圓日牡丹初度多少玉管瑤觴只相如老去不眠倚樹效吳郎謫仙道舉頭望月低頭思故鄉

西平樂

壬戌中秋齒痛較愈而右頤掀腫岑坐無聊憶乙卯是日曾譜此調今再賦之仍用美成韻

絲鬢都凋玉巢仍沾秋熱齟痕方賒頤頷今朝麴醪隆起乘鸞扇子誰遮笑事異商君用猛身與楊妃共病茶匱藥蓋都門十載塵沙今夕團欒玉鏡憐瘦杜月姊亦咨嗟紫雲曲奏紅綾餅薦獨我憊然裳倒冠斜休更覓玉蛾鬧市金兔閒攤但得霜鑿定痛紅荔銷炎便寫青書祀皓華

牙神名
皓華

多謝藥娥親臨絳